

欽定四庫全書

子部

婦人大全良方卷十三

四三



南京中医药大学图书馆版权所有

婦人大全良方卷十三

齊民要術

妊娠數墮胎方論第

元五

宋 陳自明 撰

陽氣陰化故得有胎榮衛和則經養周足故胎得
則能長若血氣虛損者
足不能養胎所以數墮也

其妊娠腰疼者喜墮
臟為風寒所苦則血氣

千金療妊娠二箇月數墮胎法灸膝下一寸七壯

又方

赤小豆為末酒調方寸匕日二服亦治妊娠數月

月水尚來

刪繁方療妊娠懷胎數落而不結實或冷或熱百病之
源

甘草 黃耆 人參 川芎 白朮 地黃 吳

茱萸

各等分○一方
有當歸乾薑

右為末空心溫酒調二錢忌菰菜桃李雀肉醋物經心

錄同

廣濟療婦人懷妊數傷胎方

鯉魚二斤粳米一升

右二味如法作臠少著鹽勿著葱豉醋食之甚良一

月中須三遍作效安穩無忌集驗文仲備急崔氏延

年方同

經心錄紫石英圓主風冷在子宮有子常落或始為婦

便患心痛乃成心疾月水都未曾來服之肥悅令人有

子方

紫石英

天門冬

去心

五味子

各三兩

烏頭

炮

卷栢

烏賊魚骨

雲母

燒研

禹餘糧

當歸

川椒

如常製

桑寄生

石楠葉

各一兩

澤瀉

杜仲

遠志

去心 從

蓉

桂心

甘草

石斛

人參

辛夷

栢子

仁

各二兩

右為末煉蜜為圓如梧桐子大溫酒下二十圓至三

四十圓

千金方同

療妊娠數墮胎皆因氣血虛損子臟風冷致胎不堅固
頻有所傷宜服卷栢圓

卷栢 鍾乳粉 鹿角膠炒 紫石英飛 陽起石飛

桑螵蛸炒 禹餘糧 研熟地黄各一兩 桂心 川牛

膝 桑寄生 北五味 蛇床子 牡丹皮 杜

仲 川芎 當歸各十分二分

右為末煉蜜圓如梧桐子大每服三四十圓空心溫

酒吞下

妊娠胎不長養方論第二

凡五方

夫妊娠之人有宿病挾疾而後有娠或有娠時節適乖理致生疾病並令臟腑衰損氣力虛羸令胎不長故須服藥去其疾病益其氣血以扶養胎也

集驗治婦人懷胎不長方

鯉魚長一尺者去腸肚鱗以水漬沒內鹽及棗煮令熟取汁稍稍飲之當胎所腹上當汗出如牛鼻狀雖

有所見胎雖不安者十餘日輒一作此令胎長大甚
平安

古今錄驗療妊娠養胎白朮散

白朮

川芎

各四分

川椒

炒出汗三分

牡蠣

煅二分

右四味為細末酒調一錢匕日三夜一但苦痛加芎

藥心下毒痛倍加川芎吐唾不能飲食加細辛一兩
半夏大者二十枚服之復更以漿水服之若嘔亦以
醋漿水服之復不解者小麥汁服之已後其人若渴

者大麥粥服之病雖愈盡服之勿置裴伏

仲景方忌
雀肉桃李

療妊娠胎不長宜服安胎和氣思食利四肢黃耆散

黃耆 白朮 陳皮 麥門冬 白茯苓 前胡

人參 各三分 川芎 甘草 各半兩

右㕮咀每服三錢水一錢薑三片棗一枚煎至七分

去滓溫服

療妊娠胎不長宜服養胎人參圓

人參 白茯苓 當歸 柴胡 刺薊 厚朴

桑寄生

各一兩

枳殼

三分

甘草

半兩

右為細末煉蜜為圓如梧桐子大每服二十圓食前

溫水吞下

白朮圓調補衝任扶養胎氣治妊娠宿有風冷胎痿不
長或失於將理傷動胎氣多致損墮娠孕常服益血保
護胎臟

白朮

川芎

阿膠

炒

地黃

炒令六分焦

當歸

去尾炒各一兩

牡蠣

煅為粉二分

川椒

三分如常製

右為末煉蜜為圓如梧桐子大空心米飲吞三四十圓酒醋湯亦可

妊娠胎動安不得却須下方論第三

凡七方
妊娠得病

欲去子
方附

夫妊娠羸瘦或挾疾病臟腑虛損氣血枯竭既不能養胎致胎動而不堅固終不能安者則可下之免害妊婦也

療胎動安不得尚在腹母欲死須以牛膝湯下之

牛膝

去苗剉半兩

水銀

二兩朱砂

二兩半研

右以水五大瓊煮牛膝可得一半去滓即以蜜和朱

砂及水銀研如膏每服以牛膝汁一小瓊調下半匙

頓服

桂心散

治妊娠母因疾病胎不能安可下之

桂心

瓜樓

牛膝

瞿麥

各二兩

當歸

一兩

右咬咀每服四錢水一瓊煎至七分空心去滓服

又方

瞿麥

桂心

各一兩

牛膝

二兩

蟹爪

二合

右為細末空心溫酒調一錢服

又方

牛膝

一握

右細搗以無灰酒一大琖煎取七分溫二

服

又方

取七月七日法麴四兩水二大琖煎取一琖三分綿
濾去滓分溫三服立下

小品療妊娠得病須去胎方

麥蘖一升為末和煮二升服之即下神効

文仲療妊娠得病欲去胎方

取雞子一枚以三指撮鹽置雞子中服之立出與阮

河南療產難同千金經心錄同

妊娠墮胎後血下不止方論第四

凡九方

夫墮胎後復損於經脉經脉既虛故下血不止也下血多者便致煩悶乃至死矣

治妊娠損動下血不止腹痛宜服此方

阿膠一兩 艾葉半兩

右以水一瓊煎至六分去滓溫服空心

治妊娠損動下血不止

甘草一兩 阿膠二兩 雞子一枚

右細判以水二大瓊煮甘草一瓊三分去滓下雞子

及阿膠候膠消攪令停無時分溫三服

龍骨散 廣濟療因損娠下惡血不止

龍骨

當歸

地黃

各八分

艾葉

炒四分

地榆

阿膠

芍藥

乾薑

各六分

蒲黃

五分

牛角腮

炙焦十分

右為細末食前粥飲調下二錢

治妊娠墮胎下血不盡苦煩滿欲極時發寒熱狂悶方

鹿角屑

一兩熬

右以水一大瓊煎豉一合取汁六分分為三服調鹿

角屑二錢服日三服須臾血下古今錄驗同

千金療落胎下血不止方

右以生地黄汁一小瓊調代赭末一錢日三服

治妊娠下血疼痛不止

亦治小便不禁

右以家雞翎燒灰細研以溫酒調下二錢如人行五里再服以効為度

千金療妊娠胎墮下血不止方

丹參一味

十二兩

右細切以酒五升煮取三升分三服

救急療損娠方